

## NERE AITARI

BERE ERIOTZAREN URTE-URRENEAN.

Maite ninduben zure biotzak  
 Maite zinduben neriak,  
 Oroitz tristeak senti ditut gaur  
 Nere barrenen gordiak;  
 Iduritzentzait zelai berdean  
 Gaudela jai! eseriyak,  
 Gure gañetik agur egiñaz  
 Chori kantari guztiyak.

Iduritzentzait nagola oraindik  
 Zure itz onak aditzen,  
 Mayatz artsalde loratubetan  
 Zeruetara begiraten;  
 ¡Ta nola etzait idurituko!  
 Dana det oraiñ ezautzen,  
 Tristetasuna, illuntasuna,  
 Besterik ez det ikusten!

Osto gañera datorrenean  
 Egun sentiko errañoa,  
 Lore tartian diz-diz egiñaz  
 Agertzenda intz tantoa;  
 Intz onek nola jartzen oi duben  
 Sarjiñ guzia gozoa,  
 Ala nik ere zu gaingo arriyan  
 Iñuritzendet malkoa!

Amacho bati samintasuna  
 Sartutzenzayo pechura,  
 Aingeruchoa seaskatikan  
 Juaten bazayo zerura:  
 Zar ta gaztetan non-nai gurekiñ  
 Agertzen da eriotz ura,  
 Guzi-guztiyok etorri giñan  
 Biar orrekiñ mundura.

Banatuko etzait nere gogotik  
 Nola zan zure eriotza,  
 Zure gorputza nola jarri zan  
 Piška piškaka otz-otza:  
 Laja zinduben asnasi arrek,  
 Itzaldu zure biotza,  
 Eta betiko sartu zitzaidan  
 Arrats artako oroitza.

Gurutze baten aurrian dakat  
 Kandelan baten argiya:  
 Argi ta gurutz aben aurrian,  
 ¡O aita maitagarriya!  
 Eskatzen diot Jaungoikoari  
 Eman zaitzula gloriya,  
 T' egunen batez neri, kupidaz,  
 Zure ondoan tokiya.

FRANCISCO LOPEZ.